

Kjersti Alver
Buheim 21
5911 Alversund

Dato: 13.11.2017
Vår ref.: 2017/2779-11
Saksbehandlar: monsera
Dykkar ref.:

Varsel til grunneigar om mindre arkeologisk registrering med gravemaskin - områdeplan for Alversund - Lindås kommune


Vi viser til oppstart av områdeplan for Alversund i Lindås kommune varsla i 2009. I samband med planarbeidet vart det gjennomført arkeologiske registreringar i planområdet i 2009 og 2011. Det vart gjort funn av automatisk freda kulturminne under begge registreringene, og vi ser at nokre av resultat frå den arkeologiske registreringa i 2009 kan vere forelda. Tidligere brukte ein topografi i større grad for å avgrense lokalitetar, noko som i enkelte tilfelle kunne resultere i bandlegging av større areal enn naudsynt. På bakgrunn av dette er det trong for å gjennomføre ei mindre arkeologisk gransking av ein av dei tidlegare registrerte lokalitetane, Askeladden id. 129932.

Det er Lindås kommune som er tiltakshavarar, men arbeidet vil verte utført av Fylkeskonservatoren i Hordaland fylkeskommune som regionalt kulturminnemynde. Arkeologar frå Hordaland fylkeskommune vil gjennomføre undersøkingar på delar av gnr. 137, bnr. 7 (sjå kart under) 24.11.2017.

Registreringa vert utført med maskinell flateavdekking i sjakter på om lag 3 meter breidd. Lengde, djupne og mellomrommet mellom dei kan vere ulik, avhengig av topografi og funnsituasjon. Lengde på sjaktene kan variere frå om lag 10 meter eller mindre og opptil 50-60 meter eller meir. Matjorda og eventuell annan overdekkande masse vert fjerna maskinelt ned til undergrunnen, og djupna på dei einskilde sjaktene er avhengig av kor mykje masse som må fjernast. I areal med skrinne matjord (20-25 cm) er det tilstrekkeleg å fjerne denne, medan i areal med påfylte massar, rasmassar, o.l. kan det vere naudsynt å fjerne opptil 3-4 meter masse i djupna. Kor tett sjaktene ligg vil variere med lokal topografi, funnsituasjon og undergrunn, men det er vanleg med avstand mellom sjaktene på 8 til 15 meter.

All jordmasse skal førast tilbake i sjaktene etter at naudsynt dokumentasjon er utført. Så langt det er praktisk mogeleg vert attfylling utført fortlaupande, der djupe sjakter vert prioritert. Matjord som er fjerna i sjaktene vert ført tilbake, men areal som er grave opp vert ikkje sådd på nytt. Tiltakshavarar, Lindås kommune, er erstatningspliktig for eventuelle avlingstap eller ulemper som følgje av undersøkingane.

Dersom areal vert pakta bort, eller det er andre brukarar av arealet som vert råka av undersøkingane våre, ber vi om at grunneigar orienterer desse. I enkelte områder kan det verte aktuelt å opne opp gjerder for å skaffe tilgang til område med maskin. Før gjennomføring av maskinelle undersøkingar vil fylkeskommunen innhente opplysningar om nedgravne kablar, røyr og grøfter i dei aktuelle areala frå Lindås kommune og andre eigarar av slike anlegg. Dersom du har kjennskap til nedgravne kablar, røyr og grøfter på din eigendom ber vi deg om å ta kontakt med oss, slik at vi kan legge undersøkingane utanom desse.



Kart 1: Kartskisse over undersøkingsområde.

Ved spørsmål eller merknader til ovannemnde, er ein velkommen til å ta kontakt med Hordaland fylkeskommune, Fylkeskonservatoren ved feltkoordinator Monika Serafinska, tlf. 55 23 91 80, e-post Monika.Serafinska@hfk.no.

David J. Aasen Sandved
kst. fylkeskonservator

Monika Cecylia Serafinska
spesialrådgjevar

Brevet er godkjent elektronisk og har derfor inga underskrift.

Kopi til:
Lindås kommune